



Archief pa Biblioteca

Bon Dia Aruba a haci entrega simbolico di su archiefnan na Biblioteca Nacional, pa asina contribui na studiantenan cu kier haci uzo di nos edicionnan den forma digital pa cualkier proyecto escolar. Mas importante ta pa nos compatriotanan

den exterior por fin un bista di e noticianan cu nos ta publica diariamente, marando nos mes un tiki mas na e mundo moderno cu nos ta bibando aden.

Les mas riba pagina A2

DIAHUEBS 20 FEBRUARI 2014 **A2|LOCAL**

BON DIA *Aruba*



Bo cadena
di numbernan
di suerte ta duna
e number di awe

Sorteo di 19 Februari 2014



14 23 25
32 34 26 M

Joko, Votto



0 1 9 9

Signo : ARIES



0 4 3 2

Caribbean Speed Printers, cas editor di Bon Dia Aruba y Aruba Today

A haci entrega di archiefnan digital di edicionnan anterior na Biblioteca Nacional

ORANJESTAD- Compilacion di informacion ta forma un parti importante den cualkier situacion. Studiantenan cu ta haci investigacion pa cu un proyecto escolar. Personanan cu ta gusta keda na halura di noticianan di tur dia y tambe di lico ta pasa pafu di Aruba. Hopi importante, wardamento di informacion, ta valioso pa ora di relata historia di cualkier pais. Pa es motibo aki tambe, den e mundo moderno cu nos ta bibando aden, tur cos ta wordo warda na un manera digital. Poco poco e era unda tabata warda papel den un cahlo keda graba den historia. E generacion nobo cu ta bin awo, lo haci mas y mas uzo di e sistema digitalisa cual ta un manera hopi mas eficiente. **BON DIA ARUBA** tambe

ta contribui na e mundo cibernetico y digitalisa, door di warda tur su archiefnan digital conteniendo informacionnan valioso pa comunidad.

Relaciona cu esaki tambe, **BON DIA ARUBA**, den estrecho cooperacion cu Biblioteca Nacional di Aruba a haci entrega di archiefnan digital di tur su edicionnan di Januari 2008 pa Februari 2014. Ta trata aki di edicionnan di tanto **Bon Dia Aruba** como di **Aruba Today**.

BON DIA ARUBA a combersa cu Sra. Graciela Nedd-Cheung, di e departamento di Arubiana/Carubiana tocante esaki.

Seccion Arubiana/Carubiana

Sra. Nedd a splica na **Bon Dia Aruba** cu actualmente Biblioteca Nacional ta den proceso di digitalisa tur informacion cu nan tin. Aunke nan tin tur e informacion, manera e.o. corantnan publica, y esakinan ta warda den cahanan special contra di humedad, cual ta haci cu nan no ta dañia y por wordo preserva mas largo. E hecho pa cual ta bay digital, ta simpel. E mundo awendia ta bayendo hopi bayendo na un forma lihe y dia pa dia ta avansando mas y mas. Y pa keda actual, mester bay cu e mundo digital. Asina tambe Biblioteca den su seccion di Arubiana/Carubiana lo digitalisa tur e archiefnan cu nan tin di edicionnan pasa di **Bon Dia Aruba** y **Aruba Today**. Pa esaki nan a pidi cooperacion di **Caribbean Speed Printers**,

cas editor di **Bon Dia Aruba** y **Aruba Today** pa yuda nan den e proceso di automatizacion aki.

ARUBIANA/ CARUBIANA

E seccion di Arubiana/Carubiana na Biblioteca Nacional uno di gran importancia pa cualkier tipo di informacion. Si acaso bo mester di un informacion tocante un pida di nos historia, e seccion Arubiana/Carubiana ta caminda cu bo mester ta. Manera Sra. Nedd mes a bisa, nos mester haci tur loke ta na nos alcance pa preserva nos historia. **Bon Dia Aruba** a haci entrega simbolico di un edicion anterior. Esaki ta e simbolo tambe di cu a cera e capitulo di archiefnan fisico y asina habri caminda pa un archief digital. □